


Na Augustus 1990 Hyatt lo cuminza opera



ORANJESTAD(AAN) -- Mr.Ing. Ebbo Ruiter a duna di conoce na DIARIO cu 1 aña pasa un grupo grandi di personanan procedente di Japon, Merca y Aruba a firma e acuerdo pa construccion di Hyatt Hotel.

Segun mr.Ing. Ruiter despues di 1 aña tabata tin cambionan den e planning. Hyatt tabata e prome hotel den

e nobonan cu establece na Aruba. Segun mr.Ing. Ruiter, a pesar cu awor e competencia ta hopi grandi, Hyatt Hotel lo bira e mihor hotel cu Aruba a yega di conoce.

Na Juni 1988 e groundbreaking a tuma lugar y pa Augustus 1990 e hotel lo ta completamente cla.

Mehran di Aruba Investment Bank a enfatisa cu Hyatt Hotel

a encurasha diferente inversionistanan cu tabata duda den inverti na Aruba.

Señor Philip Dubbeling M.Sc. proyecto manager di Ballast Nedam a enfatisa cu nan ta spera pa otro aña September yega e punto mas halto di construccion.

Pa Augustus 1990 Aruba por spera un hotel unico den su clase consistiendo di 365 camber.